



Broj: 16-12-16-7874- ⁷ /25
I. Sarajevo, 22.01. 2026. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23), Izvještaja o toku i završetku e-aukcije od 15.01.2025. godine, na preporuku Komisije za nabavke za potrebe Državne agencije za istrage i zaštitu u 2025. godini broj 16-12-16-7874/25 od 21.01.2026. godine, u postupku javne nabavke materijala za opravku i održavanje zgrada za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U
o izboru najpovoljnijeg ponuđača za LOT 1 i LOT 2

Član 1.

U postupku javne nabavke materijala za opravku i održavanje zgrada za potrebe Državne agencije za istrage i zaštitu (u daljem tekstu: Agencija), putem konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2025. godinu broj 16-12-16-7874/25 od 21.01.2026. godine, ugovor na period od dvije godine dodijeljuje se za:

- LOT 1 - Nabavka vodovodnog, stolarskog, elektro, molarskog-farbarskog materijala i alata za opravku i održavanje zgrada, ponuđaču „GRAFIKON“ d.o.o. Sarajevo, ponuda broj 16-12-16-7874-4/25 od 17.12.2025. godine, za ponuđenu cijenu u iznosu od 21.700,00 KM bez uračunatog PDV-a, umanjenu nakon rezultata e-aukcije;

- LOT 2 - Nabavka elektro materijala (rasvjeta) za opravku i održavanje zgrada, ponuđaču „GRAFIKON“ d.o.o. Sarajevo, ponuda broj 16-12-16-7874-4/25 od 17.12.2025. godine, za ponuđenu cijenu u iznosu od 18.381,50 KM bez uračunatog PDV-a.

Član 2.

Ova Odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-7874-1/25 od 27.11.2025. godine pokrenut je postupak javne nabavke materijala za opravku i održavanje zgrada za potrebe Agencije, na period od dvije godine, procijenjene vrijednosti 49.900,00 KM bez uračunatog PDV-a, za koje je obavještenje o javnoj nabavci broj 1161-7-1-302-3-80/25 objavljeno na Portalu javnih nabavki 05.12.2025. godine i u „Službenom glasniku BiH“, broj 74/25 od 12.12.2025. godine. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2025. godine („Službeni glasnik BiH“, broj 70/25) i Dokument okvirnog budžeta 2025- 2027. godina. Za navedeni postupak javne nabavke predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23). Predmet javne nabavke podijeljen je na lotove:

- LOT 1 - Nabavka vodovodnog, stolarskog, elektro, molarskog-farbarskog materijala i alata za opravku i održavanje zgrada, procijenjene vrijednosti 29.000,00 KM bez uračunatog PDV-a;

- LOT 2 - Nabavka elektro materijala (rasvjeta) za opravku i održavanje zgrada, procijenjene vrijednosti 18.400,00 KM bez uračunatog PDV-a;

- LOT 3 - Nabavka elektro materijala - LED rasvjeta za opravku i održavanje zgrada, procijenjene vrijednosti 2.500,00 KM bez uračunatog PDV-a.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 17.12.2025. godine do 13:00 sati, te da se ponude dostavljaju u zatvorenoj koverti, Komisija je dana 17.12.2025. godine do 14:00 sati izvršila javno otvaranje ponuda.

Blagovremeno su dostavljene ukupno dvije ponude i to:

R/B	Naziv ponuđača	LOT	Ukupna cijena ponude u KM bez uračunatog PDV-a
1.	„GRAFIKON“ d.o.o. Sarajevo	LOT 1	28.949,50
		LOT 2	18.381,50
2.	„PENNY PLUS“ d.o.o. Sarajevo	LOT 1	28.991,35

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda, koji je u roku od tri dana, od dana otvaranja, dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponude ponuđača „GRAFIKON“ d.o.o. Sarajevo (LOT 1 i LOT 2) i „PENNY PLUS“ d.o.o. Sarajevo (LOT 1), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Obzirom da je Konkurentskim zahtjevom za postupak javne nabavke materijala za opravku i održavanje zgrada za potrebe Agencije predviđeno provođenje e-aukcije u skladu sa Pravilnikom, da su za LOT 1 dostavljene dvije prihvatljive ponude, Komisija je zakazala e-aukciju za dan 15.01.2026. godine sa početkom u 11:00 h u trajanju od 20 minuta, na kojoj su učestvovali slijedeći ponuđači i to:

a) „GRAFIKON“ d.o.o. Sarajevo, za ponuđenu cijenu u izosu od 28.949,50 KM bez uračunatog PDV-a;

b) „PENNY PLUS“ d.o.o. Sarajevo, za ponuđenu cijenu u iznosu od 28.991,35 KM bez uračunatog PDV-a.

Komisija nije zakazivala e-aukciju za LOT 2 u skladu sa članom 4. stav (2) Pravilnika, već je postupak javne nabavke okončala u skladu sa članom 64. stav (1) tačka b) Zakona, primjenjujući kriterij najniže cijene iz tačke 8.1. Konkurentskog zahtjeva, te je sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena u KM bez uračunatog PDV-a
1.	„GRAFIKON“ d.o.o. Sarajevo	18.381,50

Prema Izvještaju o toku i završetku e-aukcije za LOT 1 od 15.01.2026. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Ponuđena cijena u KM bez uračunatog PDV-a	Umanjenje cijene	Rang
1.	„GRAFIKON“ d.o.o. Sarajevo	21.700,00	25,04 %	1
2.	„PENNY PLUS“ d.o.o. Sarajevo	21.749,00	24,98 %	2

Shodno Izvještaju o toku i završetku e-aukcije za LOT 1 od 15.01.2026. godine, Komisija je utvrdila da je bilo snižavanje cijena ponuda kao kriterij za dodjelu ugovora u skladu sa članom 10. Pravilnika.

Komisija je nakon provedenog postupka ocjenjivanja dostavljenih ponuda utvrdila da je ponuda ponuđača „GRAFIKON“ d.o.o. Sarajevo ocijenjena kao najpovoljnija ponuda i za LOT 1 i LOT 2, te da ne premašuju procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor na period od dvije godine u postupku javne nabavke materijala za opravku i održavanje zgrada za potrebe Agencije za LOT 1 i LOT 2 dodijeli ponuđaču „GRAFIKON“ d.o.o. Sarajevo, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan ~~platiti~~ naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Darko Čulum

